

PEB YUAVTSUM TAU MUAB TSAB NTAWV NO RAU KOJ RAWLS LI KALIFONIAS TSAB CAI

Koj tau txais kev khomob xwmtxheej ceev hauv ib lub tsev khomob uas tsis zwm rau hauv koj txoj kev npaj khomob. Raws li lub xeev tsab cai, koj txoj kev npaj khomob yuavtsum tau them rau koj cov kev khomob xwmtxheej ceev, txawm koj yuav mus kho qhov twg losxij. Tus kws khomob uas kho koj xam pom tias koj zoo txaus uas yuav muab hloov mus khomob ntxiv rau lwm lub tsev khomob los tsis ua licas lawm. Vim koj tsis muaj mob xwmtxheej ceev ntxiv lawm, koj txoj kev npaj khomob yuav tsis tsocai rau koj khomob ntxiv hauv lub tsev khomob no lawm. Koj txoj kev npaj khomob tau npaj txhij lawm uas yuav muab koj hloov mus rau ib lub tsev khomob uas zwm rau lawv. Yog koj kam cia lawv muab koj hloov mus, koj txoj kev npaj khomob yuav them rau koj cov kev khomob uas koj tau txais hauv lub tsev khomob tshiab ntawd. Koj tsuas yuav tau them feem yuav tau them uantej, feem yuav tau nrog them, lossis feem sib pab them li ib txwm muaj xwb. Koj yuav tsis tau them feem yuav tau them uantej, feem yuav tau nrog them, lossis feem sib pab them li ib txwm rau txoj kev thauj mus rau lwm lub tsev khomob uas koj txoj kev npaj khomob kam them rau no.

YOG TIAS KOJ TXIAVTXIM SIAB NYOB THIAB KHOMOB NTXIV MUS HAUV LUB TSEV KHOMOB NO, KOJ YUAV TAU THEM RAU TUS NQI KHOMOB TAGNRHO TXIJ NO MUS VIM KOJ TSIS MUAJ MOB XWMTXHEEJ CEEV LAWV. Tus nqi no yuav suav tej nqi khomob los ntawm cov kws khomob, kev pw khomob, thiab tej kev kuaj mob, tua kabmob (radiology), lossis lwm uas koj tau txais. Yog koj xav tias koj tsis tau zoo txaus uas yuav muab hloov mus, nrog tus kws khomob tham txog tej uas koj xav tau ntawd. Yog koj xav tau kev pab ntxiv, koj hu tau rau:

- Lub chaw pabcuam tswvcuab hauv koj txoj kev npaj khomob. Lawv tus xovtooj muaj nyob hauv koj daim ntawv khomob hauv koj txoj kev npaj khomob. Koj tseem thov tau mus hais kev tsis txaus siab hauv koj txoj kev npaj khomob.
- Phab Saib Kev Npaj Khomob Tus Xovtooj (Department of Managed Health Care's Help Center) ntawm 1-888-466-2219. Lub Chaw Pabcuam no hu tau 24 teev toj hnuv, 7 hnuv toj limtiam. Lub Chaw Pabcuam no yuav pab koj hais koj cov kev tsis txaus siab rau koj txoj kev npaj khomob, tabsis tej zaum koj tseem yuav tau them rau cov kev khomob mus ntxiv uas koj tau txais hauv lub tsev khomob no yog tias koj txiavtxim nyob.

Yog koj txoj kev npaj khomob yog Medicare, koj muaj cov cai thov rov mus hais dua ntxiv ntau tshaj no. Yog koj txoj kev npaj khomob Medicare txiavtxim siab xa koj mus rau lwm lub tsev khomob, koj thov tau kom muab kev rov mus hais dua thiab kev txiavtxim siab sai (ceev) tau rau koj. Koj txoj kev npaj khomob yuavtsum tau muab txoj kev txiavtxim siab sai rau koj. Yog koj xav thov rov mus hais dua sai, hu lossis fax rau koj txoj kev npaj khomob, thiab thov txoj kev rov mus hais dua uas sai. Lwm tus, xwvli koj tej txheebze lossis tus kws khomob, hu lossis fax tau mus rau koj. Koj tus kws khomob lossis ib tus phoojywg/txheebze hu lossis fax tau mus rau koj yog tias koj ua daim ntawv – hu ua ntawv tsocai rau lawv. Yog tias lawv txwv koj txoj kev thov rov mus hais dua sai, Medicare yuav cia li nrhiav ib tus neeg sab nraud uas tsis zwm rau hauv koj txoj kev npaj khomob los nrog tshuaj txog koj zaj. Yog koj tsis pom zoo raws li tus neeg ntawd txoj kev txiavtxim siab, luag yuav qhia rau koj tias koj muaj cai thov rov mus hais dua ntxiv tau licas.